

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 Mal 111945 25 I 2
Bugojno, 26.11.2025. godine

Općinski sud u Bugojnu, sudac Marin Kajić, u izvršnom postupku tražitelja izvršenja Muhamed Imamović sin Zahida iz Jajca, Lupnica bb, zastupan po punomoćnici Ameli Duvnjak odvjetnici iz Bugojna protiv izvršenika Enver Ljubunčić sin Rifeta iz Bugojna, Kožarska bb, radi izvršenja na pokretnim stvarima, vrijednost spora 5.000,00 KM, uvećano za sporedna potraživanja, dana 26.11.2025. godine donio je sljedeći:

ZAKLJUČAK O PRODAJI

Dana 16.10.2025.godine zaplijenjene su i popisane sljedeće pokretne stvari izvršenika Envera Ljubunčić.

Određuje se prva prodaja pokretnih stvari izvršenika:

- | | |
|---------------------------------------|-----------------------------|
| 1. TV-SAMSUNG CRNE BOJE, | VRIJEDNOST 200,00 KM |
| 2. KOMODA ZA TV-BIJELE BOJE, | VRIJEDNOST 200,00 KM |
| 3. VISEĆA KOMODA-BIJELE BOJE, | VRIJEDNOST 200,00 KM |
| 4. UGAONA SEĆIJA, BEŽ BOJE, | VRIJEDNOST 400,00 KM |
| 5. MAŠINA ZA SUĐE, BEKO, BIJELE BOJE, | VRIJEDNOST 300,00 KM |
| 6. ORMAR S 4 KRILA BEŽ BOJE, | VRIJEDNOST 300,00 KM |
| 7. CIPELAR, BEŽ BOJE | VRIJEDNOST 100,00 KM |

i to putem usmenog javnog nadmetanja na dan **15.01.2026.godine u 09.30** sati, u zgradi Općinskog suda u Bugojnu sudnica/kancelarija broj 9.

2. Utvrđuje se da je vrijednost pokretnih stvari iz tačke 1. ovog zaključka u ukupnom iznosu od **1.700,00 KM**.

3. Na ročištu za javno nadmetanje kao kupci mogu učestvovati lica koja su do početka nadmetanja položila osiguranje koje iznosi 1/10 procijenjene vrijednosti. Prije početka nadmetanja ova lica su dužna Sudu predati dokaz da su osiguranje platili na depozitni račun broj 1011300000295629. Ponuđačima čija ponuda nije prihvaćena, osim za tri najbolja ponuđača, vratit će se osiguranje odmah nakon zaključenja javnog nadmetanja. Ročište za javno nadmetanje održat će se i kad prisustvuje samo jedan ponuđač.

4. Najniža prihvatljiva ponuda po kojoj se predmetne stvari mogu prodati jeste 1/2 utvrđene vrijednosti, po jednoj stvari.

5. Ponuđač s najvećom ponudom dužan je platiti cijenu odmah nakon objavljivanja rezultata ročišta za prodaju (u roku od 15 dana). Ako to ne učini, drugi ponuđač će biti proglašen kupcem i bit će dužan platiti cijenu koju je ponudio i tako redom.

6. U slučaju da nijedan ponuđač ne plati cijenu, Sud će, na zahtjev jedne od stranaka, objaviti da ročište za prodaju nije uspjelo, a stranka može, u smislu odredbe člana 131. stav 3. Zakona o izvršnom postupku ("Sl. novine FBiH" br. 32/03 i 33/06), u roku od osam dana tražiti zakazivanje novog ročišta.

7. Ukoliko nijedna stranka ne predloži održavanje novog ročišta za prodaju u roku iz tačke 5. ovog zaključka ili ako se stvari ne uspiju prodati na drugom ročištu, Sud će, u smislu stava 5. navedenog člana, postupak obustaviti.

8. Ovaj zaključak o prodaji objavit će se na oglasnoj tabli Suda, a tražilac izvršenja ga može objaviti i u javnim glasilima, o svome trošku.

Sudac
Marin Kajić

Pouka o pravnom lijeku:

Protiv ovog zaključka nije dopušten pravni lijek.